



**RIPOTI YA MAADHIMISHO YA PILI YA SIKU YA MADAKTARI
TANZANIA YALIYOHUSISHA MKUTANO WA MADAKTARI
NA MH. RAISI WA JAMHURI YA MUUNGANO WA TANZANIA
PAMOJA NA HUDUMA YA AFYA BURE MBAGALA DAR ES
SALAAM 2020**

SIKU YA MKUTANO:

Tarehe 20 mwezi wa 2 mwaka 2020

SIKU YA UTOAJI AFYA BURE:

Tarehe 3 na 4 mwezi wa 3 mwaka 2020

UKUMBI:

UKUMBI WA KIMATAIFA WA MWALIMU JULIUS NYERERE DAR ES SALAAM,
TANZANIA

MGENI RASMI:

RAISI WA JAMHURI YA MUUNGANO WA TANZANIA, MHESHIMIWA JOHN POMBE
JOSEPH MAGUFULI

KAULI MBIU:

“HATUA ZETU KUELEKEA HUDUMA BORA ZA AFYA TANZANIA”

UTANGULIZI

KUHUSU MAT	- 3 -
DIRA NA TASWIRA YA MAT.....	- 4-
MPANGO MKAKATI WA MAT.....	- 5-
KUHUSU MAADHIMISHO YA PILI YA SIKU YA MADAKTARI.....	- 6-
TAARIFA YA MKUTANO NA MH. RAIS.....	7 - 23-
TAARIFA YA UTOAJI HUDUMA ZA AFYA BURE MBAGALA.....	- 00-
CHANGAMOTO NA MAPENDEKEZO.....	- 00-
BAJETI.....	- 00-
TIMU YA MAANDALIZI	24 - 26-
KUHUSU WADHAMINI.....	- 27-

KUHUSU MAT

Chama cha Madaktari Tanzania (MAT) kilianzishwa Tarehe 4/3/1965 baada ya kuungana kwa Chama cha wataalamu wa afya cha Tanganyika na Chama cha wataalamu wa afya cha Asia. MAT ilifanikiwa kusajiliwa kwa sheria ya usajili wa vyama vya kitaaluma na kupewa namba ya usajili SO 4102, kwa lengo la kulinda na kusimamia utoaji wa huduma za afya kwa watanzania.

Mpaka sasa MAT ina jumla ya wanachama zaidi ya 2000 ikilinganishwa na wanachama 26 mwaka 1965, na wanachana 500 mwaka 1985.

Uanachama wa MAT ni kwa wanataaluma wa udaktari na udaktari wa meno waliosajiliwa na baraza la usajili la wataalamu wa afya (Medical Council of Tanganyika, (MCT)

Vifuatavyo ni vyama vya kitaaluma vilivyopo chini ya MAT

1. Chama cha wataalamu wa huduma za dharura Tanzania(EMAT)
2. Chama cha wataalamu wa huduma za figo Tanzania (NESOT)
3. Chama cha wataalamu wa huduma za mifupa Tanzania (TOA)
4. Chama cha wataalamu wa magonjwa ya ndani Tanzania (APT)
5. Chama cha wataalamu wa huduma za dharura Tanzania (EMAT)
6. Chama cha madaktari wanawake Tanzania (MEWATA)
7. Chama cha wataalamu wa huduma za kisukari Tanzania (TDA)
8. Chama cha wataalamu wa afya ya jamii Tanzania (TPHA)
9. Chama cha wataalamu wa huduma za watoto Tanzania (PAT)
10. Chama cha wataalamu wa huduma za akina mama(AGOTA)
11. Chama cha wataalamu wa huduma za upasuaji Tanzania
12. Chama cha wanafunzi wa udaktari Tanzania (TAMSA)

DIRA YA MAT

Kuwa chama cha kwanza cha kitaaluma katika kuboresha ubora wa huduma za afya Tanzania kupitia usimamizi thabiti wa maadili, usawa, utafiti na uendelezaji wa huduma za kibingwa

TASWIRA YA MAT

Kuchochenza sekta ya afya na sayansi shirikishi, kusimamia maadili na utendaji wa watoa huduma za afya nchini ili kupelekea utoaji wa huduma bora za afya nchini Tanzania

VIUNGO VIKUU VYA MAT

1. Weledi
2. Ubora
3. Kufikiria kwa kina
4. Kujitolea katika mazingira hatarishi
5. Heshima
6. Usalama wa wagonjwa
7. Uongozi na Huduma

MPANGO MKAKATI WA MIAKA 5 WA MAT (2016 – 2022)

1. Kujenga uwezo kwa wanachama wake
2. Kuhuisha sayansi, sayansi shirikishi pamoja na matibabu
3. Kutoa ushauri na kusambaza taarifa za matokeo ya tafiti mbali mbali kutoka sekta ya afya kwa wanachama, serikali na jamii kwa ujumla
4. Kuchochea sera ya afya bora kwa wote
5. Kudumisha mahusiano na ushirikiano na wadau wengine
6. Kulinda, kudumisha na kuhuisha haki na faida za wanachama wake huku ikihakikisha wanachama wana weledi na maadili mema.

Chama kitafanikisha mkakati tajwa hapo juu kwa kufanya ushirikiano wa karibu na wadau mbalimbali ikiwemo serakali ya jamhuri ya muungano wa Tanzania, mashirika ya kijamii, wadau wa maendeleo, wadau wa sekta binafsi, mashirika ya kimataifa, watafiti, wanazuoni na jamii kwa ujumla

Jumla ya shilingi za kitanzania Bilioni 21 na Milioni 955 zinahitajika ili kutekeleza mkakati huu.

KUHUSU MAADHIMISHO YA PILI YA SIKU YA MADAKTARI TANZANIA

A. MAADHIMISHO YA KWANZA

Chama cha madaktari Tanzania MAT, kiliadhimisha siku ya madaktari Tanzania kwa mara ya kwanza tarehe 3 mwezi wa 3 mwaka 2019.

Maadhimisho haya yaliambatana na kampeni ya mtandao kuhamasisha madaktari, watumishi wengine wa afya na wanafunzi wa sekta ya afya kushiriki katika maadhimisho.

Vile vile maadhimisho yaliambatana na utoaji huduma za afya na huduma za kibingwa kwa wananchi wa kisarawe mkoani pani. Mgeni rasmi katika utoaji wa huduma hizi alikuwa waziri wa nchi tawala za mikoa na serikali za mitaa Mheshimiwa Suleiman Jaffo huku mwenyeji wetu akiwa mkuu wa wilaya ya kisarawe Mheshimiwa Jokate Mwegelo.

B. MAADHIMISHO YA PILI

Maadhimisho ya pili ya siku ya madaktari Tanzania yamepangwa kufanyika kwa hatua mbili.

Kwanza, maadhimisho yatahusisha mkutano wa madaktari pamoja na watoa huduma wengine wa sekta ya afya na raisi wa jamhuri ya muungano wa Tanzania siku ya terehe 20 mwezi wa 2 mwaka 2020.

Pili, maadhimisho yatakamilishwa kwa utoaji wa huduma za afya na huduma za kibingwa bure kwa wakazi wa mbagala Dar es salaam siku za tarehe 3 na 4 mwezi wa 3 mwaka 2020. Kwa kushirikiana na wadau wengine Tumedhamiria kufikia zaidi ya wananchi 1000 wa mbagala na sehemu za jirani ndani ya jiji la Dar es salaam

TAARIFA YA MKUTANO NA MH. JOHN POMBE JOSEPH MAGUFULI, RAIS WA SERIKALI JAMHURI YA MUUNGANO WA TANZANIA

I. UTANGULIZI

Mkutano wa madaktari, watumishi wengine wa sekta ya afya na mheshimiwa raisi wa jamhuri ya muungano wa Tanzania, ulianza mapema asubihu ya tarehe 20 mwezi wa 2 mwaka 2020, ambapo mpaka kufika asubuhi ya saa mbili kamili, ukumbi wote ulikuwa umeshajaa. Jumla ya watu Zaidi ya 1500 walihudhuria.

Wakiendelea kumsubiri mgeni rasmi, waalikwa wote waliburudishwa kwa nyimbo mwanana kutoka kwa wasanii Nnandy na Harmionize ambazo zilibeba maudhui ya kuonesha mafanikio ya serikali ya awamu ya tano ya jamhuri ya muungano wa Tanzania. Nyimbo hizi zilipigwa katika Televisheni kubwa iliyofungwa mbele ya ukumbi. Vile vile, ujumbe mzuri kutoka kwa waziri wa afya mheshimiwa Ummy Mwalimu uliwaelimisha wahudhuriaji pindi wanapoendele akumsubiri mgeni rasmi. Ujumbe wa Mheshimiwa Ummy ulilenga kuelezea mafanikio yaliyofikiwa na wizara ya afya kwa serikali hii ya awamu ya tano.

Miongoni mwa mafanikio hayo ni pamoja na ujenzi wa hospitali mpya 6 za rufaa za mikoa ambapo hospitali za mkoa wa njombe na simiyu tayari zishaanza kufanya kazi, uboreshwaji wa huduma ya mama na motto pamoja na kuongezeka kwa bajeti ya dawa kutoka bilioni 31 mwaka 2015 hadi bilioni 270 mwaka 2019. Hii ikiwa ni sawa na ongezeko la kutoka asilimia 31 mpaka asilimia 94 ya bajeti ya dawa na vifaa tiba. Pia mheshimiwa Ummy alisisitiza umuhimu wa jamii kujiunga na mfuko wa taifa wa bima ya afya, pamoja na jamii kupambana na magonjwa yasiyoambukiza ambayo yamekuwa tishio kubwa miaka ya hivi karibuni.

Mgeni rasmi, Mheshimiwa John Pombe Joseph Magufuli aliwasili ukumbini mnamo saa tatu na dakika arobaini asubuhi ambapo alipokele wa kwa wimbo wa taifa na wimbo wa Africa mashariki uliopigwa na bendi ya polisi.

Ulipuata Utambulisho uliofanywa na Mkuu wa kitengo cha mawasiliano wa ikulu, Ndugu Gerson Msigwa ambapo aliwatambua makundi yafuatayo: Mabalozi kutoka nchi jirani, Maraisi wa vyama vyatya madaktari kutoka nchi za Rwanda, Msumbiji na Zambia, Maraisi wa mashirika ya kitaaluma ya afya, Maraisi wastaa fuwa chama cha madaktari Tanzania, na viongozi wa sasa wa chama cha madaktari

Kabla ya hotuba kuanza, ilifanyika sala kutoka kwa viongozi wa dini, ambapo Kiongozi wa kanisa la anglikana Mkoa wa Dar es Salaam pamoja na Shehe mkuu wa mkoa wa dar es salaam waliongoza sala hiyo.

II. WASILISHO KUTOKA KWA MTENDAJI MKUU WA HOSPITALI YA TAIFA YA MUHIMBILI, PROFESA LAWRENCE MUSERU

Wasilisho la kwanza lilitoka kwa mkurugenzi mtendaji wa hospitali ya taifa ya muhimbili, ambapo alielezea mada ya hali ya watendaji wa afya nchini pamoja na maadili katika utoaji huduma za afya.

Alianza kwa kuelezea vipaumbele 6 vyatya shirika la afya duniani ambavyo ni: utoaji huduma, mtoaji huduma, mifumo ya utoaji huduma, upatikanaji wa huduma za msingi, uwekezaji katika sekta ya afya, na uongozi bora

Prof Museru alisisitiza sana umuhimu wa maadili kwa watoa huduma za afya Tanzania ambapo alipongeza juhudini zilizochukuliwa mpaka sasa kuhakikisha watumishi wa afya wanakuwa na maadili. Mionganoni mwa hatua zilichukuliwa ni pamoja na Kuanzishwa kwa somo la maadili kwa wanafunzi wote wa shahada ya kwanza katika chuo kikuu cha tiba na sayansi shirikishi cha muhimbili. Pia baraza la madaktari Tanzania lilianzisha muongozo wa maadili kwa watumishi wa afya mnamo mwaka 2015.

Prof Museru alitoa takwimu kuwa duniani kote kuna upungufu wa wafanyakazi wa afya Milioni 4 na laki 5 ambapo bara la Africa lenye asilimia 11 ya watu wote duniani wana asilimia 3 tu ya wafanyakazi wote wa sekta ya afya duniani.

Tanzania ikiwa ni sehemu ya bara la Africa ina upungufu pia wa watumishi wa sekta ya afya huku upungufu mkubwa ukiwa kwa madaktari bingwa. Kwa kutambua hilo, serikali ya awamu ya tano imewekeza jumla ya shilingi bilioni 5 kwaajili ya kusomesha madaktari bingwa 600 katika hospitali ya taifa muhimbili na chuo kikuu cha muhimbili.

Pia, prof Museru alizungumza baadhi ya mafanikio ya huduma za kibingwa zilizofanywa na hospitali ya taifa ya muhimbili ambazo ni: Jumla ya wagonjwa 56 wamefanikiwa kupandikizwa figo, watoto 34 wamefanyiwa upasuaji wa kupandikizwa vifaa vya kuwawezesha kusikia, zaidi ya wagonjwa 560 wamefanyiwa upasuaji kwa kutumia teknolojia ya kisasa ya “Interventional Radiology”. Pia hospitali ya taifa ya muhimbili ipo njiani kuanzisha huduma za upandikizaji uboho ambapo itasaidia sana katika kutibu wagonjwa wa seli mundu na magonjwa mengineyo, vile vile ipo njiani kuanzisha huduma ya IVF

Prof Museru alihitimisha wasilisho lake kwa kupongeza jitihada zinazofanywa na serikali ya awamu ya tano chini ya Mheshimiwa Dkt John Pombe Joseph Magufuli katika kuboresha huduma za afya chini ya wizara ya afya, wazee, jinsia na watoto.

III. WASILISHO KUTOKA KWA MTENDAJI MKUU WA TAASISI YA MIFUPA YA MOI, DR. RESPICIOUS BONIFACE

Mtendaji mkuu wa taasisi ya mifupa ya MOI alitoa wasilisho juu ya mafanikio ya utoaji wa huduma za kibingwa zinazotolewa na taasisi hiyo ambapo mafanikio hayo makubwa yamechangiwa na uwepo wa vifaa tiba vipyta na bora kabisa.

Dr Boniface alisema kuwa serikali ya wamu ya tano imetoe kiasi cha shilingi bilioni 16.5 kwaajili ya upanuzi wa vyumba vya wagonjwa ambapo idadi ya vitanda vya wagonjwa wa kawaida ikiongezeka kutoka vitanda 150 hadi 360, vyumba vya wagonjwa mahututi vimeongezeka kutoka vitanda 8 hadi 18, Vyumba vya wagonjwa wa dharura vimeongezeka kutoka kutokuwa na kitanda hata kimoja mpaka vitanda 16, na vyumba vya upasuaji ongezeko ni kutoka vitanda 6 mpaka 9. Vie vile fedha hizi zimesaidia upanuzi wa idara ya radiolojia na maabara

Pia, serikali imetoe jumla ya shilingi bilioni 2.4 kwaajili ya ununuzi wa vifaa vya kusaidia upumuaji (ventilators and monitors) ambavyo vimefungwa katika vyumba vya wagonjwa mahututi, Shilingi bilioni 3 na milioni 500 kwaajili ya ununuzi wa MRI, bilioni 1 na milioni 800 kwaajili ya ununuzi wa CT Scan

Vile vile kiasi cha shilingi milioni 919 zilielekezwa katika kununua kifaa cha kufanya upasuaji wa uti wa mgongo

Hivi karibuni serikali imetoa jumla ya shilingi bilioni 7 na milioni 900 kwaajili ya ununuzi wa mashine ya kupasua ubongo pasipo kufungua kichwa ambapo mashine hii inatarajiwa kuwa tayari kutumika kuanzia tarehe 15 mwezi wa 3 mwaka 2020.

Aliendelea kwa kusema kuwa mpaka sasa taasisi imefanya huduma ya kibingwa ya matibabu ya goti (Arthroscopic surgery) kwa jumla uya wagonjwa 800, huduma ya kibingwa ya kutiba mishipa ya damu ya ubongo (Brain Aneurysm surgery) kwa jumla ya wagonjwa 9 pamoja na matibabu ya mfumo ya umeme ya ubongo kwa mgonjwa 1

Taasisi pia imekusudia kupanua huduma mpaka mikoani ambapo kwa kushirikiana na Hospitali ya Peking ya Marekani wameanza kutoa somo na kupeleka huduma katika mikoa ya Dodoma, Lindi na Wilaya za Chato na musoma.

Dr Boniface alihitimisha kwa kusema kuwa mpaka sasa kutokana na uboreshwaji katika utoaji wa huduma za afya za kibingwa nchini, serikali imeweza kuokoa jumla ya kiasi cha shilingi bilioni 78 na milioni 400

IV. WASILISHO KUTOKA KWA RAISI WA CHAMA CHA MADAKTARI TANZANIA, DR ELISHA OSATI

Dr. Osati alianza kwa kuelezea muundo wa chama cha madaktari Tanzania huku akipongeza uongozi stahiki wa wizara ya afya chini ya waziri Ummy Mwalimu, Naibu waziri Faustine Ndugulile, Katibu mkuu Zainab Chaula na Mganga mkuu wa serikali Profesa Bakari Kambi na wengineo

“Chama cha madaktari kimekuwa kikishirikiana na serikali na wadau wengine kuhakikisha huduma za afya Tanzania zinaboreshw na hii imewezakana ndio maana mpaka sasa tumeona ongezeko la zahanati mpya 1000, vituo vya afya vipyta 400, na hospitali mpya za wilaya 70 huku bajeti ya dawa ikiongezeka kutoka bilioni 31 hadi bilioni 250.” alisema Dr Osati

Dr Osati aliwasilisha mapendekezo kadhaa yanayoweza kutatua changamoto zinazoikumba sekta ya afya kwa Mh Raisi JPM. Mapendekezo hayo ni kama ifuatavyo: Kuongeza ajira kwa watumishi wa sekta ya afya haswa vijijini, Kuongeza motisha kwa watumishi wa afya waliopo vijijini, Kupandiswa madaraja kwa watumishi wa afya wanaokidhi vigezo, Kujengwa kwa makazi ya watumishi wa afya karibu na vituo vyao vya kazi, Kufuta retention fee toka bodi ya mikopo, Kuanza kuitambua fani ya madaktari bingwa wabobezi (superspecialists), Madaktari wanaokaribia kustaa fu kuanza kupewa mafao yao kidogo kidogo pale wanapofikia umri wa miaka 60. Pia Dr Osati alitoa pendektezo kwa wizara husika kuanza kuwaenzi watumishi wa afya waliota mchango mkubwa katika sekta ya afya kwa kuzipa majina wodi katika hospitali zetu

Vile vile, Dr Osati aliishauri serikali kupitisha sheria itakayowalazimu wananchi wote kuwa na bima ya afya

Pamoja na hayo, Dr Osati aliomba kuwepo na sheria ya kwamba usajili wa madaktari katika chama cha madaktari kuwa wa lazima na si hiari kama ilivyo sasa ili kuimarisha chama.

Kipekee kabisa, Dr Osati aliwasilisha ombi kwa mheshimiwa Raisi la fedha za kukamilisha **ujenzi wa jengo la MAT** ambalo likikamilika

litatumika kama ofisi na sehemu ya kufundishia taaluma mbali mbali za kada ya afya.

Mwisho Dr Osati aliomba sana wana siasa kutoingilia kazi za wanataaluma wa kada ya afya kwani wamekuwa ni mwiba katika utendaji, huku akisisitiza upendo na mshikamano baina ya madaktari kwani umoja na mshikamano ndio vitakavyofanya tufike mbali

V. WASILISHO KUTOKA KWA NAIBU WAZIRI WA AFYA, MAENDELEO YA JAMII, JINSIA, WAZEE NA WATOTO, DR FAUSTINE NDUGULILE

Dr Ndugulile alitoa wasilisho juu ya maboresho katika sekta ya afya kwa kipindi hiki cha serikali ya awamu ya tano. Miongoni mwa aliyowasilisha ni pamoja na: kuongezeka kwa miaka ya kuishi ya mtanzania mpaka kufikia miaka 64, uhakika wa afya bora ya mama na mtoto, kutokomezwa kabisa kwa magonjwa kama polio na kuhara

Pia Dr Faustine alisistiza mikakati ya wizara ya kuifanya Tanzania kuwa kitovu cha huduma za afya za kibingwa kwa nchi za afica mashariki na kazi, na nchi za ukanda wa SADC

Dr Ndugulile alisema licha ya kupungua kwa kasi kubwa kwa magonjwa ya kuambukiza kama kifua kikuu, UKIMWI na malaria, bado kuna changamoto kubwa ya maginjwa yasiyoambukiza kama presha na kisukari. Hivyo alisistiza wananchi wote kuchukua tahadhari na kujikinga na magonjwa yasiyoambukiza.

Mwisho kabisa Dr Ndugulile alimshukuru Mheshimiwa Dr JPM kwa mchango wake mkubwa na mapinduzi aliyoyaleta katika sekta ya afya

VI. HOTUBA KUTOKA KWA MHESHIMIWA DR. JOHN POMBE JOSEPH MAGUFULI, RAISI WA JAMHURI YA MUUNGANO WA TANZANIA

- **MASWALI KUTOKA KWA WAALIKWA**

Kabla ya mheshimiwa raisi kuanza hotuba yake, aliruhusu kupokea maswali, kero na mapendekezo kutoka kwa waalikwa wote. Wafuatao ndio waliopata nafasi ya kutoka Mapendekezo yao:

- Dr Digna (Mratibu wa magonjwa yasiyoambukiza mkoa wa Dar Es Salaam)
 - Alizungumza na kushauri kwamba huduma za kibingwa ziweze kufika katika zahanati. Pia Dr Digna alizungumzia namna ambapo hakuna mawasiliano mazuri kati ya wizara ya afya na ofisi ya raisi tawala za mikoa na serikali za mitaa.
- Dr Rodrick Kabangila (Kamanga Medical Centre)
 - Alishauri serikali iache kutazama sekta binafsi kama mpinzani bali iweze kushirikiana nayo ili kukuza sekta ya afya. Pia alizungumzia mlolongo mrefu katika kusajili vifaa tiba kwenye hospitali binafsi ambao unachelewesha huduma
- Dr Rahma Hingora (Radiologist, MOI)
 - Alishauri serikali kuweka fungu kwa watumishi wanaofanya kazi kwenye mazingira hatarishi (Risk insurance) pamoja na kununuliwa vifaa vya kujikinga na mazingira hatarishi

- Mr Gofrey Nyanga
-Alimuomba Mheshimiwa raisi amsaidie kupata shilingi milioni 24 alizopoteza baada ya chuo chake cha afya (Gisan Health and Training institute) kufungiwa na wizara ya elimu psipo kuwa na makosa.
- Mr Greyson Mwakalindile (Mtaalamu wa mionzi taasisi ya saratani ya Ocean Road)
-Alishauri bohari ya dawa ya taifa kuwa na washauri maalumu kabla ya manunuzi ya vifaa vya radiolojia. Hii ni kwasababu vifaa vingi vinanunuliwa pasipo kukidhi ubora. Pia alishauri kuwepo na ukaguzi yakinifu kabla ya kupokea vifaa vya matibabu kutoka nchi za ulaya kwani vingi huwa havina ubora. Mwisho aliishauri serikali kuanzisha shahada ya wataalamu wa radiolojia kwani mpaka sasa nchi nzima ina wanaradiolojia takribani 2000 tu na wote ni katika ngazi ya cheti na diploma.
- Dr Charles Massawe (Chuo kikuu Cha Dodoma)
-Alishauri serikali kuwekeza katika maabara zake ili kujizatiti na kuzuia magonjwa ya mlipuko kuingia nchini
- Dr Deogratius Kilasara
-Alishauri kuondoa mlolongo mrefu uliopo TBS na TMDA katika kusajili vifaa vya matibabu ya meno kwani unachelewesha utoaji huduma kwa wananchi
- Priscilla Msele (Mtaalamu wa tiba kwa mazoezi, Shinyanga)
-Aliwasilisha malalamiko yake ya kutopandishwa madaraja tangu miaka mine iliyopita
- Huruma Mkiramweni (Mtaalamu wa afya ya mazingira)

-Aliwasilisha pendekezo la kuongezwa kwa vyuo vinavyotoa shahada ya utaalamu wa afya ya mazingira nchini ambapo mpaka sasa ni vyuo vikuu vitatu tu vinavyotoa shahada hiyo

- Peter Gachali

-Aliomba wizara ya afya iweze kumpa kiasi cha pesa anachodai baada ya wizara kutumia mfumo aliogundua (Mfumo wa GoTHOMIS)

- Mchangiaji kutoka Lindi

-Alishauri serikali iweze kuruhusu magonjwa 10 makubwa nchini yaruhusiwe kutibiwa katika ngazi ya zahanati (magonjwa kama presha na kisukari)

- Dr Emmanuel Swai (Sinza Hospital)

-Alichangia kwamba ni vema wizara ya afya iweke mgawanyo sawa wa fungu la House allowance kwa madaktari wanaofanya kazi vituo vingine ifanane na wale wa hospitali ya taifa ya muhimbili. Pia alishauri mfuko wa bima wa taifa uweze kuruhusu daktari bingwa kuandika dawa Fulani katika kituo chochote cha afya. Mwisho, alitoa ombi la gari la dharura katika wilaya ya ubungo kwa mheshimiwa raisi

- Mr Jembamba (Muuguzi kutoka M NH)

-Alishauri utoaji posho za vikao uwe sawakwa madaktari na wauguzi. Pia alipendeleza kuwepo na fungu kwa wastaa fu kutoka kwenye hospitali walizokuwa wanafanya kazi kabla ya kustaafu

- Wilson Chotamganga (Mbarali, Mbeya)

-Alipendeleza maboresho yafanyike kwenye wodi za akina mama za zahanati na vituo vya afya nchini kote

- Dr Mugisha Nkoronko (Ushirika Moshi)

-Alitoa mapendekezo kadhaa kama ifuatavyo: Wanafunzi waliosomeshwa na serikali wapewe kipaumbele kwenye ugawaji wa ajira za serikali, Kufutwa kwa makato toka bodi ya mikopo (6% Retention fee), uwepo mgawanyo sawa wa madaktari katika miko yote, pia alishauri serikali ianze kuwatambua madaktari bingwa waliosoma chuo kikuu cha afya cha Africa mashariki (COSECSA)

- Issa Hango (Mfamasia)
 - Alipendekeza serikali iweke sera za uwekezaji ili wazawa waweze kuwekeza katika viwanda vya dawa nchini ambapo hii itapunguza ukosefu wa ajira nchini
- John Nyika (APHTA, Tanga)
 - Alishauri kuwepo na maabara saidizi kwa zahanati zote ili kusaidia ugunduzi wa vimelea vya magonjwa kwa urahisi huko vijijini
- Mtumishi kutoka TMJ Hospital
 - Mapendekezo yake yalikuwa kama ifuatavyo: Kupunguzwa kwa kodi ya vifaa tiba vinavyonunuliwa kutoka nje ya nchi, kupunguzwa kodi kwa hospitali za binafsi (kutoka 30% hadi 10%)
- Ms Tizeba (Katavi)
 - Alishauri adhabu zichukuliwe kwa wataalamu ambao hawaripoti vituo vya vijijini
- Dr Shimwela
 - Alishauri kuwepo na bima ya wagonjwa wanaogongwa na vyombo vya moto. Pia alishauri wizara ya afya kuanza kufata mfumo wa ufundishaji wa madaktari bingwa unaofuata muundo wa “College” na “Fellowships” na kuachana na mfumo wa sasa

- HOTUBA YA MHESHIMIWA RAISI JPM

Hotuba ya mheshimiwa Raisi ilianza kwa kueleza namna alivyohudumiwa na madaktari pindi alipouغا. Hii ilikuwa ni pale alipokwenda hospitali ya taifa muhimbili baada ya kuumwa jino ambapo alizidiwa na kujikuta yupo chumba cha wagonjwa mahututi. Pia mheshimiwa Raisi alielezea namna ambavyo Dr. Zainab Chaula pamoja na madaktari wengine wa hospitali ya mkoa wa Dodoma waliokoa maisha yake mwaka 2012 alipoanguka ghafla.

Mheshimiwa Raisi alianza moja kwa moja kwa kutatua changamoto zilizoibuliwa na wageni waalikwa ambapo aliagiza wizara ya afya pamoja na TAMISEMI kuimarisha ushirikiano wao mara moja ili kuboresha ufanisi katika kuleta suluhu za matatizo ya wananchi

Pia Mh. Raisi aliagiza mfanyakazi aliyesababishiwa hasara kwa kufungiwa chuo aweze kurejeshewa fedha zake jumla ya shilingi milioni 24 ndani ya siku mbili. Vile vile, Mh. Magufuli aliagiza yule mama kutoka katavi mwenye madai yake ya kutopandiswa madaraja aweze kupandishwa madaraja yake mara moja

Pamoja na hayo, mheshimiwa Raisi aliamuru kutoa jengo moja kati ya majengo ya serikali yaliyoachwa baada ya serikali kuhamia Dodoma kwa ajili ya ofisi za chama cha madaktari pamoja na kuwa kituo cha kufundishia madaktari bingwa.

Mbali na hayo, mheshimiwa Raisi pia alisistiza kuwa changamoto zote zilizoibuliwa na wageni waalikwa zimechukuliwa na ofisi yake kwa kushirikiana na wizara husika watazifanyia kazi. Pia Mh. Raisi alisistiza kuzidi kuongeza ushirikiano baina ya serikali yake na madaktari huku

akikiagiza chama cha madaktari kuwa mstari wa mbele katika kutataua makosa ya watumishi wa afya kabla ya wanasiasa kuingilia kati.

Mheshimiwa Raisi alilidhishwa sana na mukutano huu na madaktari pamoja na watumishi wengine wa afya, na akapendekeza kuwa angependa iwe ni utamaduni wa serikali kuonana na madaktari mara moja kila mwaka.

Dr. Magufuli alisema kuwa kulingana na takwimu za shirika la afya duniani, bara la Africa linapoteza zaidi ya trilioni 2.4 za dola ya marekani kwa sababu ya mifumo mibovu ya afya. Hii husababisha hali ya umasikini na kuzorota kwa uchumi wa bara la Africa

Licha ya changamoto hizo, kuna maendeleo makubwa katika sekta ya afya kwa kipindi cha utawala wa awamu ya tano ambapo mpaka kufikia mwaka 2019 kulikuwa na jumla ya vituo vya afya 1,169 ukilinganishwa na vituo 718 mnamo mwaka 2015. Pia, jumla ya watumishi wapya wa afya (wa kada zote) 13,479 wameweza kuajiriwa serikalini kuanzia mwaka 2015 mpaka 2019. Sekta binafsi pia imeajiri jumla ya watumishi 18,094 wa kada zote za afya kwa kipindi hicho cha miaka minne. Pia kwa kipindi hicho cha miaka 4, jumla ya wafanyakazi 7,804 wa sekta ya afya wamepandishwa madaraja.

Pamoja na hayo, Dr magufuli alipongeza juhudini zinazofanywa na hospitali zetu ambapo zimewezesha kupunguza idadi ya wagonjwa wanaokwenda kutibiwa nchi za nje kutoka wagonjwa 200 hadi 300 kwa mwaka (mwaka 2015) hadi wagonjwa chini ya 60 kwa mwaka(mwaka 2019). "Hii inaonesha uwezo wetu wa huduma za kibingwa ni mkubwa na tunaweza kuwa kitovu cha utoaji wa huduma za kibingwa(medical tourism) kwa nchi za Africa mashariki na nchi za ukanda wa SADC.

Takwimu zinaonesha kuwa watu milioni 14 hadi 16 husafiri nchi mbali mbali duniani kwaajili ya huduma za afya ambapo hutumia dola za kimarekani bilioni 45.55 hadi 72. Kwa mfano, india pekee ilipokea jumla ya wagonjwa 234,000 mwaka 2015 ambao waliingiza fedha za kigeni jumla ya dola za kimarekani bilioni 5”, alisema Dr Magufuli

Dr Magufuli aliupongeza mfuko wa taifa wa bima ya afya ambao umefanikiwa kuongeza idadi ya watumiaji kutoka watu milioni 3.2 hadi milioni 4.9

Vile vile Mheshimiwa Raisi alipongeza juhudi za sekta binafsi katika kuboresha huduma za afya nchini, ambapo alitoa mfano wa taasisi ya Benjamini Mkapa ambayo kwa kushirikiana na serikali imejenga nyumba 832 za watumishi wa afya nchini kwa kipindi cha miaka 4 iliyopita

Mheshimiwa Raisi alishauri sana madaktari na watumishi wengine wa sekta ya afya kuwa wabunifu na kutatua changamoto zinazoikumba sekta hiyo huku akiziasa taasisi za serikali zinazohusika na masuala ya usajiri kuweza kuwasaidia wanaotaka kuanzisha zahanati, vituo binafsi au hospitali binafsi

Mwisho kabisa, kwa kutambua tatizo la ajira kwa madaktari (ambapo mpaka sasa kuna jumla ya madaktari takribani 2700 ambao hawajaajiriwa) mheshimiwa raisi alitangaza kutoa AJIRA MPYA 1,000 kwa madaktari ambao wanatakiwa kusambazwa wilaya zote nchini

VII). ZOEZI LA UTOAJI ZAWADI

a) Zawadi kwa Mheshimiwa Raisi Dr. John Pombe Magufuli

Raisi mstaafu wa Chama cha madaktari Tanzania Dokta Obadia Nyongole aliongoza zoezi la utoaji wa tuzo ambapo Chama cha madaktari Tanzania kilitoa zawadi ya heshima kwa mheshimiwa Raisi wa jamhuri ya muungano wa Tanzania kwa kuthamini mchango wake mkubwa katika kuleta mageuzi kwenye sekta ya afya.

Pia, wanachama wawili wa chama cha madaktari waliofanya mageuzi katika sekta ya afya waliweza kupewa zawadi kama ifuatavyo:

b) Dr Jesse Mbwambo

Dr. Mbwambo alipewa tuzo maalumu kwa kutambua mchango wake katika kupambana na madawa ya kulevyo. Dr Mbwambo na wenzake 21 walianzisha program ya Methadone (Dawa inayopunguza madhara ya madawa ya kulevyo) miaka ya 1998 ambapo mpaka sasa zaidi ya watu 7,628 wanatumia hii dawa.

c) Dr Chotamganga

Dr Chotamganga ni mstaafu kutoka zahanati ya Uturo kutoka wilaya ya mbarali mkoani mbeya ambapo alikuwa mtumishi tangu mwaka 1993. Alishirikiana na na jamii yake katika kupunguza idadi ya vifo vyia mama wajawazito ambapo vilipungua kutoka asilimia 45% hado sifuri

VIII). ZOEZI LA PICHA

Zoezi la picha liliongozwa na Mkurugenzi wa mawasiliano ikulu ndugu Gerson msigwa ambapo lilikwenda kwa makundi kama ifuatavyo:

- Meza kuu na Viongozi wa Chama cha madaktari
- Meza kuu na wadhamini wa mkutano
- Meza kuu na watunukiwa tunzo
- Meza kuu na kamati ya maandalizi ya mkutano
- Meza kuu na mabalozi wa nchi jirani
- Meza kuu na viongozi wa taasisi nyingine za afya
- Meza kuu na waganga wakuu wa mikoa na wakuu wa hospitali za rufaa
- Meza kuu na viongozi wa mkoa wa Dar Es Salaam
- Meza kuu na viongozi wa dini
- Meza kuu na viongozi wa TAMISEMI na wizara ya maliasili
- Meza kuu na wamiliki wa hospitali binafsi
- Meza kuu na Maraisi wastaafu wa Chama cha madaktari

IX). RATIBA YA MKUTANO

CHAMA CHA MADAKTARI TANZANIA

Ratiba ya Mkutano wa Madaktari na Mhe. Dkt. John Pombe Joseph Magufuli, Rais wa Jamhuri ya Muungano wa Tanzania

Kuelekeea maadhisho ya siku ya Madaktari Kitaifa mwaka 2020

Kauli Mbiu: "Hatua zetu Kuelekeea Huduma Bora za Afya kwa wote nchini Tanzania".

20 Februari, 2020 JNICC.

Muhusika/wahusika	Tukio	Muda
Itifaki	Kuwasili Wageni mbalimbali na Usajili	12:00 – 02:00
Itifaki	Kuwasili Viongozi mbalimbali	02:00 – 02:30
Itifaki	Kuwasili kwa Mhe. Mgeni Rasmi Dkt. John Pombe Joseph Magufuli, Rais wa Jamhuri ya Muungano wa Tanzania	03:00 – 03:30
Brass Band	Wimbo wa Taifa na Wimbo wa Afrika Mashariki	03:30 – 03:40
Prof. Lawrence Museru, Mlezi MAT (Mkurugenzi mtendaji MNH)	Wasilisho la Rasilimali Watu na Weledi wa Kitaaluma	03:40 - 03:50
Dkt. Respicious Boniface, (Mkurugenzi MOI)	Wasilisho kuhusu boresho la huduma za kibingwa	03:50 - 04:00
Dkt. Elisha Osati, Rais (MAT)	Hotuba ya Rais wa MAT	04:00 – 04:20
Mh. Dkt Faustine Ndungulile (Mb), Naibu Waziri – Afya	Salaam na Kumkaribisha Mhe. Mgeni Rasmi	04:20 – 04:30
Mh. Dkt. John Pombe Joseph Magufuli, Rais wa Jamhuri ya Muungano wa Tanzania	Hotuba kutoka kwa Mh. Mgeni Rasmi	04:30 – 05:10
Dkt. Obadia Nyongole, Mwenyekiti Kamati ya Tuzo	Tuzo Maalum: Wasifu wa wanaopokea tuzo	05:10 – 05:20
Dkt. Elisha Osati, Rais wa MAT	Tuzo Maalum kwa Mhe. Mgeni Rasmi	05:20 – 05:25
Itifaki	Picha za Makundi na Mhe. Mgeni Rasmi	05:25 – 05:35
Itifaki	Mhe. Mgeni Rasmi kutembelea mabanda ya maonesho	05:35 – 06:05
Wote	Hitimisho	06:05 – 06:20

TIMU YA MAANDALIZI

I. MAJINA YA KAMATI KUU YA MAANDALIZI

Wafuatao ni wajumbe wa kamati kuu ya maandalizi ya maadhimisho ya pili ya siku ya madaktari tanzania yaliyohusisha mukutano wa madaktari na mh raisi wa jamhuri ya muungano wa tanzania pamoja na huduma ya utoaji afya bure mbagala Dar es salaam 2020

- 1) Dkt. Elisha Osati – Raisi MAT
- 2) Dkt. Shadrack Mwaibambe – Raisi Mtarajiwa MAT
- 3) Dkt. Obadia Nyongole – Raisi Mstaafu MAT
- 4) Dkt. Lilian Mnabwiru – Katibu MAT
- 5) Dkt. Catherine Swai – Mhazini MAT
- 6) Dkt. Anzibert Rugakingira – Mjumbe MAT
- 7) Dkt. Nhumba Nchang'wa - Mjumbe MAT
- 8) Dkt. Karama Nkenyuko - Mjumbe MAT
- 9) Dkt. Deus Ndillanha - Mjumbe MAT
- 10) Dkt. Elly Josephat - Mjumbe MAT
- 11) Mr. Patrick Mvungi
- 12) Mr. Frank E. Arabi – Raisi Chama Cha Madaktari Wanafunzi (TAMSA)
- 13) Ms. Rebecca Mkumbwa
- 14) Ms. Happy Nchimbi
- 15) Ms. Vivid C. Maimu
- 16) Ms. Johari Waziri

II. MAJINA YA WAHUDUMU KUTOKA CHAMA CHA MADAKTARI WANAFUNZI (TAMSA)

- 1) AMINA MWAJASHO
- 2) ERASTO IPYANA
- 3) GROLIA SWILLA
- 4) HILDA CHIMBA
- 5) AMELIA CLEMENCE
- 6) LILIAN KIWONE
- 7) ADAM ANWAR
- 8) MARYGORETH RICHARD
- 9) ASMA ZAWADI
- 10) JACKLINE NGOWI
- 11) JONATHAN ANDREW
- 12) RASHID MDAKI
- 13) MEDARD CHRISTOPHER
- 14) MAJALIWA ALPHONCE
- 15) LATIPHA TARIMO
- 16) HARRIETH PETER
- 17) ALPHATERESIA MWASAGAMA
- 18) VENOSSA MASSAWE
- 19) ANTHONY MULOKOZI
- 20) REHEMA SEIF
- 21) MARYNAS DUDUYE
- 22) LOVENESS KIMARO
- 23) EVODI LWIGA
- 24) JULIETHA GOSBERT
- 25) LULU GABRIEL

- 26) ARNOLD KOLESYA
- 27) HOSIANA JONAS
- 28) AMOS KILIPAMWAMBU
- 29) CHARITY ALPHONCE
- 30) PETER MSINDE



WADHAMINI WA MKUTANO

Wafuatao ni wadhamini wa mkutano wa maadhimisho ya pili ya siku ya madaktari tanzania yaliyohusisha mkutano wa madaktari na mh raisi wa jamhuri ya muungano wa tanzania pamoja na huduma ya utoaji afya bure mbagala Dar es salaam 2020

1. Muhimbili National Hospital
2. Muhimbili Orthopedic Institute
3. National Health Insurance Fund
4. National Institute of Medical Research
5. National Microfinance Bank
6. Tanzania Medical and Food Authority
7. Medical Stores Department
8. Benjamin Mkapa Centre
9. Benjamin Mkapa Foundation
10. Medical Association of Tanzania
11. KAS Medics
12. National Bank of Commerce
13. Ocean Road Cancer Institute
14. National Blood Transfusion Services
15. Mkemia Mkuu Wa Serikali
16. Tanzania Non Communicable Diseases Alliance